



Broj: 05/7-50-13-102-16/16

Sarajevo: 8.2.2016.godine

PARLAMENTARNE SKUPŠTINE
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


PRIMLJENO: 16.02.2016			
Organizaciona jedinica	Klasifikacioni broj	Značaj	Broj priloga
05/7-50-13-	588/16		

B

PREDMET: Izvještaj o radu Vijeća nacionalnih manjina BiH za 2015. godinu

Na osnovu Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08, 53/09 i 60/14), Vijeće nacionalnih manjina BiH u prilogu ovog akta dostavlja Izvještaj o radu Vijeća nacionalnih manjina BiH za 2015. godinu, koji je na 16. sjednici održanoj 21. januara 2016. godine usvojilo Vijeće nacionalnih manjina BiH.

S poštovanjem,



Predsjedavajući Vijeća nacionalnih manjina BiH
Prof. dr. Tihomir Knežiček

Dostavljeno:

- Naslovu
- a/a

Prilog: kao u aktu



Broj: 05/7-50-13-102-16/16

Sarajevo 21.1.2016. godine

IZVJEŠTAJ O RADU
VIJEĆA NACIONALNIH MANJINA BiH
ZA 2015. GODINU

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina Bosne i Hercegovine („Službeni glasnik BiH“, br. 15/08, 53/09, 59/09 i 60/13) imenovala članove Vijeća nacionalnih manjina BiH.

Uvodne napomene

Na osnovu člana 4. stav (1) Odluke o osnivanju Vijeća nacionalnih manjina Bosne i Hercegovine, utvrđeno je da Vijeće nacionalnih manjina BiH (u daljnjem tekstu: Vijeće) daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 4. stav (2) navedene odluke, Vijeće može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava i drugih komisija i radnih tijela Parlamentarne skupštine BiH kada raspravljaju o pravima, položaju i interesima nacionalnih manjina.

U Vijeće su imenovani:

1. HALIL BICAJ (Albanac)
2. DRAGAN MARKOVIĆ (Crnogorac) od 1. 2. 2014.

3. JOVANKA MANZALOVIĆ ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ JUHAS (Mađarica),
7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAČ (Nijemac),
10. DEJAN PIOTROVSKI (Poljak),
11. HAKAN VARAN (Turčin),
12. SILVIJA VUJOVIĆ (Rumunka),
13. MARIJA GRBIĆ (Slovenka),
14. ANDRIJA SVATOK (Ukrajina),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom).

Odluka je stupila na snagu 30. 7. 2013. objavjivanjem u "Službenom glasniku BiH", broj 60.

1. Sjednice Vijeća nacionalnih manjina BiH

U izvještajnom periodu u toku 2015. godine Vijeće je održalo šest redovnih sjednica koliko je i planirano:

10. sjednica održana je 21.1.2015.
11. sjednica održana je 19.3.2015.
12. sjednica održana je 22.5.2015.
13. sjednica održana je 14.7.2015.
14. sjednica održana je 5.10.2015.
15. sjednica održana je 4.11.2015.

Sve sjednice sazvaio je i vodio predsjedavajući Vijeća nacionalnih manjina BiH Tihomir Knežiček.

Na sjednicama se raspravljalo o tačkama koje su bile predviđene Programom rada Vijeća za 2015. godinu, kao i drugim tekućim pitanjima koji se tiču nacionalnih manjina u toku 2015. godine, i to prvenstveno o izradi izvještaja o ocjeni položaja nacionalnih manjina u BiH, izradi strateške platforme za rješavanje pitanja nacionalnih manjina u BiH, inicijativi za provođenje presude u predmetu Sejdić i Finci protiv BiH, inicijativi za održavanje konferencije s ciljem definiranja uslova u pogledu pripadnosti nacionalnoj manjini, inicijativi za usvajanje i potpisivanje memoranduma o saradnji s domaćim i međunarodnim organizacijama, definiranju kriterija za izbor članova Vijeća nacionalnih manjina BiH, prezentaciji Izvještaja o ocjeni položaja nacionalnih manjina u BiH itd.

Sve sjednice održane su u planirano vrijeme. Prisustvo članova Vijeća na sjednicama iznosi 80%, a tri i više izostanaka (opravdanih ili neopravdanih) sa sjednice imaju ukupno tri člana. Sjednice Vijeća organiziraju se uz značajnu stručnu i tehničku pomoć Ureda sekretara Zajedničke komisije za ljudska prava Parlamentarne skupštine BiH.

2. Aktivnosti Vijeća nacionalnih manjina BiH

2.1. Priprema i izrada dokumenata

U izvještajnom periodu pripremljeni su i izrađeni sljedeći dokumenti:

- **Radni plan Vijeća za 2015. godinu**

Na osnovu iskustava u dosadašnjem radu Vijeća i procjene aktivnosti koje bi Vijeće trebalo realizirati u narednom periodu, predsjedavajući je predložio plan rada Vijeća za 2015. godinu, koji su članovi Vijeća usvojili na 10. sjednici Vijeća, održanoj 21.01.2015.

- **Izvještaj o radu Vijeća nacionalnih manjina za 2014. godinu**

Izvještaj o radu Vijeća nacionalnih manjina za 2014. usvojen je na 10. sjednici Vijeća, kao i na 11. sjednici Predstavničkog doma i 5. sjednici Doma naroda Parlamentarne skupštine BiH.

- **Izvještaj o mjerama Evropske povelje o manjinskim jezicima**

Predsjedavajući Vijeća je, na zahtjev Ministarstva za ljudska prava i izbjeglice BiH, pripremio i 23.3.2015. dostavio informaciju za DRUGI IZVJEŠTAJ BOSNE I HERCEGOVINE O PROVOĐENJU MJERA I PRINCIPA UTVRĐENIH EVROPSKOM POVELJOM O REGIONALNIM ILI MANJINSKIM JEZICIMA. Nadležne institucije dale

su mišljenje o Izvještaju (juli 2015.), a Vijeće ministara BiH usvojilo je izvještaj 25.8.2015. koji je upućen Vijeću Evrope.

- **„Nacionalne manjine u Bosni i Hercegovini“ – Izvještaj Vijeća nacionalnih manjina Bosne i Hercegovine o položaju nacionalnih manjina za period 2010. – 2015. godine.**

Programom rada za 2014. godinu bila je predviđena izrada izvještaja Vijeća nacionalnih manjina BiH o položaju nacionalnih manjina za period 2010. – 2015. Izvještaj je završen početkom 2015. godine nakon čega je lektoriran i, uz finansijsku pomoć gosp. Nedžada Jusića u ime udruženja Eurorom, registriran u Nacionalnoj i univerzitetskoj biblioteci BiH. Izdavač Izvještaja je Parlamentarna skupština BiH, a štampanje u 500 primjeraka finansirali su Vijeće Evrope i Evropska unija, a prema iskazanim potrebama, osigurana su sredstava za štampanje dodatnih 400 primjeraka. Ministrica za ljudska prava i izbjeglice Semiha Borovac je 20.10.2015. Vijeću nacionalnih manjina BiH dostavila pozitivno mišljenje o Izvještaju. Zvanična prezentacija Izvještaja održana je 4.11.2015. u Sarajevu.

22. Priprema i izrada inicijativa

U izvještajnom periodu razmatrane su i upućene u proceduru sljedeće inicijative:

- Na 12. sjednici Vijeća 22.5.2015. razmatrana je Inicijativa za provođenje presude u predmetu Sejdić i Finci protiv BiH. Nakon sastanka za članovima Zajedničke komisije za ljudska prava, koji su Inicijativu podržali, Predstavničkom domu i Domu naroda upućen je zahtjev za uvrštavanje u dnevni red sjednica tačke koja bi glasila: Provođenje presude Evropskog suda za ljudska prava u Strazburu u predmetu Sejdić i Finci protiv BiH. Tokom izvještajnog perioda predložena tačka dnevnog reda nije uvrštena u dnevni red sjednica domova.
- Na 13. sjednici Vijeća 14.7.2015. razmatrana je Inicijativa za održavanje konferencije s ciljem definiranja uslova u pogledu pripadnosti nacionalnoj manjini. Planirano je da se konferencija održi najkasnije do maja 2016. godine. Konferencija se priprema u saradnji s entitetskim vijećima nacionalnih manjina i Ministarstvom za ljudska prava i izbjeglice BiH, uz očekivanu logističku podršku Vijeća Evrope i Misije OSCE-a.
- Članovima Interresorne radne grupe za izmjenu izbornog zakonodavstva u BiH 23.10.2015. upućen je zahtjev da jedan član Vijeća Nedžad Jusić, predstavnik romske

nacionalne manjine, učestvuje u radu Interresorne grupe, što je kao inicijativu prihvatila Interresorna grupa.

- Na 13. sjednici Vijeća 14.7.2015. razmatrana je Inicijativa za potpisivanje memoranduma o saradnji s domaćim i međunarodnim organizacijama. Na sastanku s predsjedavajućim Doma naroda Ognjenom Tadićem i predsjedavajućom Predstavničkog doma Parlamentarne skupštine BiH Borjanom Krišto 29.12.2015. dogovoreno je da svi zahtjevi i prijedlozi za saradnju Vijeća nacionalnih manjina BiH i domaćih i međunarodnih organizacija budu upućeni Kolegiju Sekretarijata Parlamentarne skupštine BiH koji će ih razmatrati i odlučiti o načinu ostvarivanja ove saradnje.
- Na osnovu zaključaka sa sastanka održanog s članovima Zajedničke komisije za ljudska prava, održanog 21.7.2015., Vijeće je pripremilo prijedloge za definiranje kriterija za izbor članova Vijeća nacionalnih manjina BiH i uputilo poziv savezima nacionalnih manjina, Savjetu nacionalnih manjina Republike Srpske i organizacijama civilnog društva da dostave prijedloge kriterija za izbor članova Vijeća nacionalnih manjina BiH. Sve dostavljene prijedloge razmatrat će radna grupa, u koju su imenovani Velibor Kuvač, Eva Pašić Juhas i Hakan Varan, koja će pripremiti Prijedlog kriterija za izbor članova Vijeća i prezentirati ga na prvoj sjednici Vijeća u 2016. godini.

3. Sastanci

- Tihomir Knežiček prisustvovao je sastancima Izvršnog odbora projekta Vijeća Evrope pod nazivom „Zaštita prava nacionalnih manjina“, koji su održani 26.3.2015. u Prištini i 4. i 5.11.2015. u Sarajevu.
- Održan je sastanak s predstavnicima Misije OSCE-a 10.6.2015. u Tuzli u vezi s prisustvom predstavnika Vijeća na regionalnom takmičenju o nacionalnim manjinama osnovnih škola iz Bijeljine, Ugljevika i Lopara, koje je održano u Bijeljini 27.11.2015.
- 13. sjednici Vijeća 14.7.2015. prisustvovali su predsjedavajući Savjeta nacionalnih manjina RS Franjo Rover i sekretarica Maja Kremenović, s ciljem upoznavanja članova Vijeća s aktivnostima koje realizira Savjet nacionalnih manjina RS-a.
- Održan je sastanak s ministricom za ljudska prava i izbjeglice BiH Semihom Borovac, pomoćnicom ministrice Salihom Đuderijom i zamjenikom ministrice Predragom Jovićem, te s predsjednikom Savjeta nacionalnih manjina RS-a Franjom Roverom i sekretaricom Majom Kremenović 14.7.2015., o temi prezentacije položaja nacionalnih manjina u BiH i

finansiranja njihovih potreba. U ime Vijeća sastanku je prisustvovao predsjedavajući Vijeća Tihomir Knežiček.

- Dana 21.7.2015. održan je sastanak s članovima Zajedničke komisije za ljudska prava o pokretanju inicijative za razmatranje provođenja presude u predmetu Sejdić i Finci protiv BiH. Sastanak je, također, iskorišten i za upoznavanje Zajedničke komisije s aktivnostima koje provodi Vijeće nacionalnih manjina BiH.
- Održan je sastanak s predsjedavajućim Doma naroda Ognjenom Tadićem i predsjedavajućom Predstavničkog doma Parlamentarne skupštine BiH Borjanom Krišto 29.12.2015. o mogućnosti potpisivanja memoranduma o saradnji između Vijeća nacionalnih manjina BiH i organizacija koje realiziraju projekte od interesa za pripadnike nacionalnih manjina u BiH.
- Dana 4.11.2015. održan je sastanak s predstavnicima Centra za socijalna istraživanja Analitika i Mediacentar Sarajevo, u vezi sa ocjenom nivoa i vrsta diskriminacije s kojima se susreću pripadnici nacionalnih manjina u BiH.
- Članovi Vijeća učestvovali na manifestaciji Treći dan nacionalnih manjina u Gradu Sarajevu, koja je održana 4.11.2015. u Gradskoj vijećnici u Sarajevu.
- Nije održan nijedan sastanak s Ministarstvom za ljudska prava BiH ili drugom institucijom o analizi i usvajanju Strateške platforme za rješavanje pitanja nacionalnih manjina u BiH. Članovi Vijeća učestvovali su u pripremi Strateške platforme od početka procesa. Iako je najavljen završetak izrade dokumenta do kraja 2015. godine, dokument strategije nije završen. Članovima Vijeća nije poznat sadržaj finalne verzije dokumenta jer se dogovori nadležnih institucija o finalizaciji dokumenta obavljaju bez njihovog prisustva.
- Članovi Vijeća nisu pozvani na završnu konferenciju kojom je Bosna i Hercegovina završila predsjedavanje Dekadom Roma, koja je održana u Sarajevu 10.9.2015. u organizaciji Vijeća za regionalnu saradnju.

4. Rad s medijima

U izvještajnom periodu aktivnosti Vijeća dokumentirane su u štampanim i elektronskim

medijima, a najviše na internet portalima:


- Tihomir Knežiček gostovao je u TV emisiji „Iza zareza“ RTVTK dana 26.1.2015.
- Agencija FENA je 19.3.2015. objavila informaciju o prihvatanju Izvještaja Vijeća o radu u 2014. godini, kao i intervju s predsjedavajućim Vijeća.
- Agencija FENA je 19.7.2015. objavila intervju s predsjedavajućim Vijeća, koji je prenio i jedan broj portala koji preuzimaju vijesti od agencije FENA.
- TV K3 objavila je intervju s predsjedavajućim Vijeća i reportažu o Festivalu nacionalnih manjina u Prnjavoru 25.7.2015.
- Agencija FENA je 27.10.2015. objavila informaciju o publiciranom izvještaju o položaju nacionalnih manjina u BiH 2010.-2015. koji su radili članovi Vijeća, a informaciju su prenijeli i drugi portali.
- Federalna TV i Radio Sarajevo su 4.11.2015. objavili vijest o prezentaciji izvještaja o položaju nacionalnih manjina u BiH 2010.-2015.
- Senservis agencija je 4.11.2015. objavila članak o prezentaciji izvještaja o položaju nacionalnih manjina u BiH 2010.-2015., kao i izjave članova Vijeća. Također, istim povodom objavljene su izjave članova Vijeća Jakoba Fincija, Dragana Markovića i Tihomira Knežičeka.
- Veb-portal pogled.ba je 4.11.2015. publicirao članak povodom prezentacije Izvještaja o položaju nacionalnih manjina u BiH.

Informacije o sjednicama Vijeća objavljuju se putem parlamentarnog veb-portala. Zbog lošeg pristupa informacijama o Vijeću na veb-stranici, traženo je od nadležnih službi da se popravi dizajn stranice i poboljša vidljivost informacija o Vijeću. Do kraja 2015. godine nije urađena promjena na veb-stranici, tako da je vidljivost Vijeća i dalje neprimjerena i neadekvatna njegovom značaju.

5. Ostale aktivnosti Vijeća nacionalnih manjina BiH

- Vijeće je na 1. sjednici 21.1.2015. dalo podršku udruženju BOSPO, u partnerstvu s Udruženjem Roma „Eurorom“, za apliciranje za projekat Evropske unije pod nazivom „Jačanje mehanizama za zaštitu ljudskih prava nacionalnih manjina u BiH“.
- Svjetski dan Roma (8.april) obilježen je učešćem Nedžada Jusića, člana Vijeća, na svečanom sastanku s članovima Komisije za ljudska prava 8.4.2015.
- Članovi Vijeća učestvovali su u obilježavanju Međunarodnog dana sjećanja na žrtve holokausta 27.1.2015. u Tuzli i Sarajevu.
- Vijeće je 19.3.2015. dalo podršku Udruženju građana češkog porijekla „Češka beseda“ Sarajevo za realizaciju pokrenute inicijative za postavljanje biste Tomaša G. Masaryka u Parku nacionalnih manjina u Sarajevu.
- U organizaciji Grada Sarajeva, članovi Vijeća su 28.3.2015. prisustvovali manifestaciji „Dani nacionalnih manjina“ u Međunarodnom centru za djecu, u okviru projekta „Zaštita prava nacionalnih manjina“.
- Predsjedavajući Vijeća Tihomir Knežiček učestvovao je na radionici o Okvirnoj konvenciji za zaštitu nacionalnih manjina i Evropskoj povelji o regionalnim ili manjinskim jezicima koja je održana 8.6.2015. u Prijedoru, u organizaciji Vijeća Evrope.
- Na sastanku s članovima Zajedničke komisije za ljudska prava 21.7.2015. dogovoreno je da Vijeće dostavi Interresornoj radnoj grupi prijedloge za izmjenu Izbornog zakona BiH.
- Na poziv načelnika Općine Prnjavor, predsjedavajući Vijeća Tihomir Knežiček učestvovao je, kao gost, na VI. festivalu nacionalnih manjina općine Prnjavor, koji je održan 25.7.2015.
- Predsjedavajući Vijeća Tihomir Knežiček učestvovao je na konferenciji „Manjinska prava u podijeljenim zajednicama“ koja je održana u Sarajevu 15.10.2015. u organizaciji Vijeća Evrope.
- Članovi Vijeća su 4.11.2015. učestvovali na okruglom stolu o nacionalnim manjinama, koji su organizovali Grad Sarajevo, gradonačelnik Sarajeva i Vijeće Evrope.
- Prezentacija Izvještaja o stanju nacionalnih manjina u BiH 2010.-2015. održana je 4.11.2015. u Sarajevu.

- Član Vijeća Jakob Finci učestvovao je na sastanku s delegacijom Direktorata za demokratiju Vijeća Evrope o izborima u 2016. godini i mogućoj saradnji. Sastanak je održan 24.11.2015. u Sarajevu.
- Predsjedavajući Vijeća Tihomir Knežiček učestvovao je kao gost na regionalnom takmičenju o nacionalnim manjinama osnovnih škola iz Bijeljine, Ugljevika i Lopara. Takmičenje, uz podršku Misije OSCE-a, održano je u Bijeljini 27.11.2015.
- Predsjedavajući Vijeća Tihomir Knežiček učestvovao je na konferenciji povodom Međunarodnog dana ljudskih prava, održana u Sarajevu 10.12.2015. Konferenciju je organizirala Zajednička komisija za ljudska prava oba doma Parlamentarne skupštine BiH.
- Članovi Vijeća nacionalnih manjina učestvovali su 16.12.2015. u Sarajevu u konvenciji „Manjine i izborni zakon“, u organizaciji koalicije KOMA i još tri organizacije.
- Iako je zahtjev upućen nekoliko puta, članovi Vijeća do kraja 2015. godine nisu dobili propusnice za ulazak u zgradu Parlamentarne skupštine BiH.
- Članovi Vijeća nacionalnih manjina, kao i svih prethodnih godina, nisu pozivani na obilježavanje državnih i vjerskih praznika koje su organizirali državni i vjerski zvaničnici u Bosni i Hercegovini tokom 2015. godine.



Predsjedavajući Vijeća nacionalnih manjina BiH
prof. dr. Tihomir Knežiček

